

## **Inuusuttut Kommunalbestyrelsiat**

Inuusuttut Kommunalbestyrelsiannit innersuussutit pingaarnersiukkat pingasut piviusunngortinneqarnissaannut killiffik.

Ilisimatitsissut

J.nr.: 00.01.

Suliffeqarfimmut Kiffartuussineq – Kommunaldirektøri Lars Møller-Sørensen / LMS

### **Suliassamik eqikkaaneq**

Matumani suliamik saqqummiussami Inuusuttut Kommunalbestyrelsiata ukiumoortumik novembarip ulluisa arfineq-pingajuanni 2019-imi ataatsimiitinneqarnissaat ilisimatitsissutigineqarpoq. Saniatigut Inuusuttut Kommunalbestyrelsiata 2018-imi septembarimi innersuussutit pingaarnersiukkat pingasut piviusunngortinneqarnissaat pillugu killiffik paasissutissiissutigineqassaaq. Innersuussutigineqartut tassaapput: 'kommunimi arsaattarfinni ajuuffigineqartartut nutaat'; 'kommunimi meeqqat atugarliortut ilaqutariinnut cafét pilersinneqarnerisigut pitsaanerusementik ikiorneqartarnissaat' kiisalu 'ukiumoortumik kommunimi atuarfiit tamarmik unammisinneqartarnissaat'.

Suliaq Aningaasaqarnermut Inuusutissarsionermullu Ataatsimiititap novembarip 13-anni 2019-imi ataatsimiinnerani oqaluuserineqarpoq ataatsimiititamillu akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

### **Inassuteqaat**

Aningaasaqarnermut Inuusutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

*Inuusuttut Kommunalbestyrelsiata tunngavissai atuuffialu*

Kommuneqarfik Sermersuumi Inuusuttut Kommunalbestyrelsiat (Inuusukombest) siullermik 2018-imi pilersinneqarpoq.. Tassani pingaarnertut meeqqat inuusuttullu kikkut tamat oqartussaassuseqarlutik ingerlaaseqarnerannik ilisimasaqarnerulernissaat, kommunip suliaanik suliniutaanillu, minnerunngitsumillu kommunimi meeqqat inuusuttullu meeqqanut inuusuttunullu tunngasunik politikikkut aalajangiiniarnermi sunnuteqarnerulernissaat siunertarineqarpoq. Inuusukombest inuusuttunik 21-nik ilaasortaqqarpoq, taakku 12-14-inik ukioqarput 2018-imilu kommunip atuarfiini qinersisitsinermi qinigaapput. Ilaasortat illoqarfigisaminni imaluunniit nunaqarfigisaminni, tassa Paamiuni, Nuummi, Ittoqqortoormiini, Tasiilami kiisalu nunaqarfigisaanni meeqqat inuusuttullu sinnerlugit oqaaseqartartuupput. Maanna Kommunalbestyrelsip najoqqutassatut aalajangiussai naapertorlugit Inuusuttut Kommunalbestyrelsiannut ukiut marlukkaarlugit qinerneqartarput. Inuusuttut ilaasortaattit taamaalillutik ukiut tamaasa suliassatut kissaatigisami innersuussutissatullu pingaarnersiukkami Kommunalbestyrelsimut ersarissarnissaannut periarfissaqartarput.

*Inuusuttut Kommunalbestyrelsiata pingaarnersiukkatut innersuussai*

Inuusuttut Kommunalbestyrelsiata (INUUSUKOMBEST) ulluni 26-28. septembari 2018-imi ataatsimiinnerat tunngavigalugu, inuusuttut ilaasortat innersuussutit pingasut politikikkut suliarineqartussanngortinneqartut toqqarpaat ukuusut: Kommunip arsaattarfiisa ajuuffissaat nutaat; kommunip atuarfiisa akornanni ukiumoortumik unammisarnissaq kiisalu kommunimi meeqqat atugarissaannginnerusut pitsaanerusementik ikiorserneqartarnissaat. Qulequttat taakku 2019-imut missingersuusiornissamat Periarfissat Allattorsimaffiannut ilanngunneqarput, inuusuttullu kissaataasa piviusunngortinneqarnissaannut aningaasaliisoqarluni.

Suliniutit pingasut ingerlatsivinnut attuumassuteqartunut tunniunneqarnissaannut annertuumik tapersersuisoqarpoq. Inuusuttut kissaataasa piviusunngortinnissaannut killiffik tullinnguuttumi saqqummiunneqarpoq:

- a) *“Kommunip arsaattarfiini ajuuffissat nutaat”:*  
Nutaani ajuuffissanik kissaateqarneq Kommuneqarfik Sermersuumi illoqarfinni nunaqarfinnilu nutaanik pisaarnissamik ujartuisimasunut piviusunngortinneqarpoq. Arsaattarfinni ajuuffissat nutaat tunniunneqareerlutillu napparneqareerput, ukuusuni: Nuummi, Tasiilami aamma Kulusummi.
- b) *“Kommunimi ilaqutariinnik cafeertitsinikkut meeqqat atugarissaannginnerusut pitsaaneruseqarpoq ikiorserneqartarnissaat”:*  
Ilaqutariinnik cafertitsisarnermut suliniut Meeqqanut Ilaqutariinnullu Sullissivimmi 'ammassumik siunnersuisarnermut' pioreersumut tapiliullugu ilanngunneqarpoq. Ingerlatsiviup angalasartui Paamiunut, Ittoqqortoormiunut kiisalu Tasiilamut tikeraarnissaanut pilersaarutaareersunut atatillugu, 2019-imi upernaakkut ilaqutariinnut cafertitsinerit siullit Meeqqanut Ilaqutariinnullu Ingerlatsivimmit ingerlanneqareerput. Ilaqutariinnut cafeertitsinerit angalasartut aqqissuisoralugit sulianut tunngasunik imalimmik ammassumik workshoppertitsinertut ingerlanneqarput. Suliniutip pitsaassusaata ataavartumik qulakkeerneqarnissaa eqqortumillu najoqqutassaqaarnissaa eqqarsaatigalugu siulleq nalilersuiffineqarpoq. Tamanna tunngavigalugu ilaqutariinnut cafertitsinerit iluarsaanneqarput. Iluarsaassinerni anneruseqarpoq pineqartut tassaapput, Tasiilami Paamiunilu ilaqutariinnut cafertitsinerit sumiiffinni taakkunani ilaqutariinnut sullissivinnit ingerlanneqartalerkata. Ittoqqortoormiini ilaqutariinnut cafertitsisarnerit suli angalasartunit ingerlanneqartarput.
- c) *“kommunip atuarfiisa akornanni ukiumoortumik unammisarnissaq”:*  
Suliffiup avataani siunnersorti kiisalu Meeqqanut Atuarfeqarnermullu Ingerlatsivik suleqatigalugit atuarfiit akornanni ukiumoortumik unammisarnissamik kissaatigineqartumut suliniummut tunngavimmik suliaqartoqarpoq, taannalu atuarfeqarnermut inatsimmut aamma tunngaviummik perorsaariaatsikkut eqqarsartarneq atuarfeqarnerup katitigaanerani tunngavimmut naapertuuppoq. Suliniummut tunngavik kommunimi atuarfintut attuumassuteqartunut 11. juuli aallarnerlugu tusarniutigineqalerpoq, kingusinnarpaamillu akissuteqarneq pissalluni 14. aggusti. Atuarfiit attuumassuteqartunut ilaallutik 8. klassi ilanngullugu atuartuutillit, tassunga ilaallutik Paamiut, Ittoqqortoormiit, Tasiilaq aamma Nuuk.

#### *Aaqqiissutissatut siunnersuut – suliatigut naliliineq*

Ukiumoortumik atuarfinni unammisitsisarnernut suliniutip ataqatigiissarneqarnera Meeqqanut Atuarfeqarnermullu Ingerlatsivimmut tunniunneqarpoq. Meeqqanut Atuarfeqarnermullu Ingerlatsivik aamma Qiniikkanut Allatseqarfik akimorlugit aqutsisooqatigiinnik pilersitsisoqarpoq. Ingerlatsiviup AC fuldmægtigiisa suliniummut aqutsisutut atuuffik tigummissavaat.

#### ***Aningaasatigut sulisoqarnikkullu naliliinerit***

- Ajuuffissat nutaat pisiarineri 100.000 koruuninik akeqarput. Aningaasartuutit Susasaqartitsinermut peqqinnermullu immikkoortortami 2018-imut missingersuutaanni aningaasartuutitut ilanngunneqarput.
- Ilaqutariinnut cafeertitsisarnernut aningaasaliissutit Meeqqanut Ilaqutariinnullu Ingerlatsiviup missingersuutaaneerput.
- Ukiumoortumik atuarfiit unammisarneqartarnerisa piviusunngortinneqarnissaanut ingerlariaqqinnissaq, matumani sulisusaqartitsineq kiisalu suliniummut aningaasasaqartitsineq ilanngullugit Meeqqanut Atuarfeqarnermullu Ingerlatsivimmiit isumagineqassaaq.

### *Inatsisitigut tunngavissaq allakkallu tunngaviusumik uppernarsaatillit*

Kommunalbestyrelsip inuusuttut kommunalbestyrelsiat pillugu siunnersuummik 2017-imi juunip qaammataani akuersissuteqarnerat.

FN-ip Meeqqat pillugit isumaqatigiissutaat 1992-imeersoq malinniarlugu meeqqat pillugit aalajangiinermut atatillugu meeqqat ajunnginnerpaanik atugaqarnissaat pingaartinneqassasoq, aammalu meeqqat sunnuteqaqataasinnaanerat aalajangeeqataasinnaaneralu pingaartillugit. Isumaqatigiissuttaaq naapertorlugu meeqqat inuusuttullu innuttaasut pisinnaatitaaffilitut pisussaaffilitullu akuerineqarnissaat anguniarneqarpoq, kiisalu meeqqat inuusuttullu isiginnittaatsimi saqqummersinnissaannut pisinnaatitaaffii ilanngullugit, aamma aalajangiisartut tamakkununga attuumassuteqartunut tunngatillugu aalajangiinerminni tamakku isiginnittaatsit pingaartissagaat pisussaaffeqarput.

### *Ingerlariaqqinnissaq*

Ilaqutariinnut cafértitsinerit ataavartumik naliliiffigineqarlutik iluarsinertalimmik nangeqqinneqassapput.

Inuusuttut kommunalbestyrelsiat 2019-imi novembarip ulluisa arfineq-pingajuanni attaveqaatit/oqarasuaat atorlugu ataatsimiissapput, tassanilu ilaatigut pingaarnersiukkatut innersuussutimi piviusunngortinneqarnissaat pillugit killiffik ilisimatitsissutigineqassalluni. Meeqqanut inuusuttunullu suliaasaqarfiup iluani kommunip nunarsuarmi anguniagai aallaavigalugit 'Kommuneqarfik Sermersooq aamma Nunarsuarmi anguniakkat' ukiumut ataatsimiinnermi qulequtarineqassaaq. Inuusuttut ilaasortat meeqqanik inuusuttunillu sumiiffimminni apersuinerat tunngavigalugu ukioq mannattaq pingaarnersiugassaminnik pingasunik kommunalbestyrelsimut ingerlateqqitassaminnik saqqummiissapput.

### **Aningaasaqarnermut Allatseqarfirmmit oqaaseqaatit**

Aningaasaqarnermut Allatseqarfirmmit oqaaseqaatinik pissarsiniartoqanngilaq.

### **Innuttaasunik peqataatitsineq/attaveqaqatigiinneq**

Atuarfiit akornanni ukiumoortumik unammisitsisarnissamik suliniutip tunngavia ilaatigut atuarfinni pisortanut ilinniartitsisunullu tusarniutigineqarpoq, piffissami 11. juuli – 14. agusti 2019. Inuusuttut kommunalbestyrelsiata innersuussutai ersarinnerusumik tunngavissaqarnissaat qulakkeerniarlugu, 'Kommuneqarfik Sermersooq aamma Nunarsuarmi anguniakkat' qulequtaliullugu meeqqat inuusuttullu ilaasortaasut apersuippat ilaatigut 2019/20-mut pingaarnersiullutik innersuussinissaminnut atugassaminnik.

### **Ingerlatsivinnit allaniit oqaaseqaatigineqartut**

Ingerlatsivinni susassaqtuni innersuussutigineqartut suliniutit marluusut tapersorneqarput: Meeqqanut Atuarfeqarnermullu kiisalu Meeqqanut Ilaqutariinnullu Ingerlatsiviit.

### **Siusinnerusukkat aalajangerneq**

*Aningaasaqarnermut Inuusutissarsiornermullu Ataatsimiititap 13. novembari 2019-imi aalajangiussaa:*

Inassuteqaatit akuersissutigineqarput Siumut-mit ima oqaasertalerlugit: Inuusukombestimi ilaasortat 13-iniit 17-inut ukioqassapput. Tamatuma saniatigut, GUX-imiit Majoriaq-miillu aammalu atuarfinit, assersuutigalugu atuartut sinniisaannit ataatsimik ilaasortaataqartoqarsinnaanersoq misissorneqassaaq. Tamatuma inernerissavaa, Inuusukombestimi ilaasortat 21-ujuaannarissaat.

**Ilanngussat**  
Soqanngilaq.